

ՀՀ ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀ ՍԻՄՈՆ ԲԱԲԱՅԱՆԸ ԵՎ ՓԱՍՏԱԲԱՆԱԿԱՆ ԱԿԱԴՆԵՄԻԱՅԻ ՌԵԿՏՈՐ ԱՐԱ ԶՈՂՐԱԲՅԱՆԸ ՄԱՍՆԱԿՑԵԼ ԵՆ ՍԱՆԿՏ ՊԵՏԵՐԲՈՒՐԳՈՒՄ ԿԱՅԱՑԱԾ ՄԻՋԱԶԳԱՅԻՆ ԻՐԱՎԱԿԱՆ ՖՈՐՈՒՄԻՆ

16.05.2023 17:40



Հայաստանի Հանրապետության փաստաբանների պալատի նախագահ Սիմոն Բաբայանը և ՀՀ փաստաբանական ակադեմիայի ռեկտոր Արա Զոհրաբյանը, Ռուսաստանի Դաշնության արդարադատության նախարար Կ.Ա. Չուխչենկոյի և ՌԴ փաստաբանների ֆեդերալ պալատի նախագահ Ս.Ի.Վոլոդինայի հրավերով, մայիսի 11- 13-ն աշխատանքային այցով գտնվել են Ռուսաստանի Դաշնությունում՝ մասնակցելու Սանկտ Պետերբուրգում կայացած միջազգային իրավական ֆորումին:

Հիշյալ համաժողովը Ռուսաստանի իրավագիտության ոլորտում իրականացվող առանցքային իրադարձություններից է: Եռօրյա համաժողովը 54 երկրից համախմբել է ավելի քան 3800 իրավաբան գործընկերների, այդ թվում՝ արդարադատության նախարարներ, բարձրագույն ատյանների ղեկավարներ, փաստաբանական պալատների նախագահներ և միջազգային տարբեր կառույցների ղեկավարներ:

Իրավական թեմաների շուրջ մասնագիտական մոտեցումների համար ստեղծված մեծ հարթակում միջազգային գործընկերները, ի թիվս այլ հարցերի, քննարկել են մասնավորապես օրենքի դերն ու նշանակությունը ժամանակակից աշխարհում:

ՀՀ փաստաբանների պալատի նախագահ Սիմոն Բաբայանն առանձին զրույցներ է ունեցել այլ երկրների գործընկերների հետ, որոնց ընթացքում կողմերն առանձնակի կարևորել են փաստաբանության ոլորտում սերտ համագործակցությունն ու ջերմ հարաբերությունները:





Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })